

बाळका बेई बाइबल  
प्रस्तुति

ईशु को जनम



लखबाळो: Edward Hughes

सम्झाबाळो: M. Maillot

Alastair Paterson

रूप बदलबाळो: E. Frischbutter; Sarah S.

अनुवाद करबाळो: Royson Norman D'Souza

साम्अ ल्याबाळो: Bible for Children

[www.M1914.org](http://www.M1914.org)

BFC

PO Box 3

Winnipeg, MB R3C 2G1

Canada

©2020 Bible for Children, Inc.

अनुज्ञापत्र (लाइसेंस): थे यां कहाण्या की फोटू कॉपी और छपवा  
सको छो, शरित याई छ क बैच्अ कोन्अ।



घणा दना पेली परमेसर एक सरगदूत  
जिब्रायल नअ मरियम नाऊ की एक  
कुँवारी यहदी छोरी खन्अ खन्दायो।  
वो उन्अ खियो, “तु एक छोरा नअ  
जणअली ज्यो ईशु का नाऊ सुं  
जाण्यो जावअलो। वो परमेसर  
की ओलाद

खुवावअलो। वो  
सदामेश राज  
करअलो।”



“यो कस्यान हो सकअ छ?” छोरी  
अचम्भा मं होर खेई। “म हालताणी  
कोई मोट्यार की लार कोन्अ रेई।”  
सरगदुत मरियम नअ खियो  
बाळक परमेसर को  
दिया सु होवअलो।  
कोई मनख उंको  
बाप कोन्अ  
होवअलो।



वो सरगदुत मरियम न्अ  
खियो क उंका काका की  
छोरी एलिजाबेथ क बुढ़ापा  
मं एक ओलाद होई छ।  
यो भी एक चमत्कार  
ई छो। मरियम बेगीई  
एलिजाबेथ सुं मली।  
वे दोनी परमेसर  
सु परातना करी।



मरियम की युसूफ  
नाऊ का एक मनख सुं  
सगाई होई। युसूफ या  
जाणर उदास छौ क  
मरियम क बाळक  
होबाळो छो। वो  
बच्यार कररयो  
छो क कोई  
ओर ई बाळक  
को बाप छ।



एक दिन सपना मअ परमेसर को दूत  
आर यूसुफ नअ खियो, यो बाळक  
परमेसर की ओलाद छ। ईशु की  
हार सम्भाळ मं यूसुफ मरियम की  
सायता करअ छौ।



यूसुफ परमेसर को खियो मानबाळो अर उम्अ  
बस्वास रखाणबाळो छो। वो  
खुद का देश का कानून  
को भी पालण  
करअ छो।





नुवा कानून की बजे सुं वो अर  
मरियम वांका खुद का  
शहर बेथेलहम  
छोड़र चुंगी  
देबा गया।





मरियम क बाळक  
जणबा की बगत आई।  
पण यूसुफ न कढअ  
भी एक कमरो कौनअ  
मल सक्यो। सबळी  
धरमशाळा भरी  
छी।



आखरी मं यूसुफ न्अ एक नोअरो मल्यो। जण्ह्अ ईशु को  
जनम होयो। माई उन्अ एक ठाण मं  
सुवाण दी, एक अस्यान की ठार

जण्ह्अ ज्यानबरा  
न्अ चारो  
खुवाव्अ  
छ।



सांकड़अई, लळडया का गुवाळ खुद की लळडया  
की रुखाळी कररया छा। एक सरगदूत  
उण्हअ प्रगट्यो अर वान्अ

एक  
अचम्भा  
को समचार  
खियो।



“अण्हअ दाऊद का नगर मं आज एक मुक्ति देबाळा को  
जनम होयो छ जो परमेसर को मसी छ।

थे उं बाळक न ठाण मं सुतो

देख सको  
छो।”



झटदाणी सिक घणा सारा सरगदूत दिखबा  
लागगा अर वे सबळा परमेसर सु परातना  
करता होया खे रया छा, ...



... “धरती प शांति बेई परमेसर की  
महमा ऊंची छ, मनखा बेई चोखो  
होबाळो छ।”



वे गुवाळ भाग्याई नोरग मं गिया। उं  
बाळक न्अ देख्या पाछ्अ ईशु का बारा  
मं सरगदूत ज्यो खीया छा वान्अ सबळी  
बाता बताया।







चाळीस दन पाछुअ यूसुफ अर  
मरियम ईशु न्अ यरूशलेम का एक  
मन्दर मं लेर आया। उण्ह्अ


साइमन नाऊ को एक  
मनख बाळक बेई  
परमेसर सुं परातना  
करयो, बूढो  
हन्ना अर

परमेसर का  
दूसरा सेवा  
करबाळा  
धन्यवाद  
दिया।






दोनी जाण्अ छा क ईशु परमेसर की  
ओलाद छ, बचन की जियान एक  
मुक्ति देबाळो। यूसुफ दो  
जन्दावरा की बली दियो।  
यो परमेसर को निम छो  
क कोई  
भी गरीब  
क लुवो  
बाळक  
होवअ  
तो वो  
अस्यान  
करअ।




थोड़ा दना पाछुअ  
एक खास तारो एक  
बुद्धिमान मनख न्अ  
अगुणी का देश सु  
यरूशलेम लेर  
आयो।



“यहूदया को राजो ज्यो  
पदा होयो छ? वो कह्अ  
छ?” वो खियो। “मैं उंकी  
पुजा करबो चावा छा।”




राजो हेरोद ऊ बुद्धिमान  
मनख का बारा मं सुण्यो।  
वो वान्अ खियो क जद्या  
भी वे बाळक न्अ देख्अ तो  
मन्अ बताव्अ। “म भी  
उंकी पूजा करबो चाऊ छुँ।”  
हेरोद खियो। पण वो झुठ  
बोलरयो छो। हेरोद ईशु न्अ  
मारबो  
चाव्अ छो।




खास तारो बुद्धिमान मनख नअ  
ऊं घर मं लियायो जण्हअ मरियम  
अर यूसुफ खुद का बाळक की  
लार रेव्अ छा। गोड़ा टेकर  
परातना करता होया यात्री ईशु  
न सोनु, अनतर  
अर महगा मोल  
का दान दिया।



परमेसर बुद्धिमान मनखा न्अ  
चतायो क छान्असिक खुदे  
क घरां पछा चल जावो।  
हेरोद रोषा होगो।



वो ईशु नअ मारबा की ठणा  
मेल्यो छो, वो खराब राजो  
बेथेलहेम का सबळा लुवा  
बाळका नअ मरा दियो छो।





पण हेरोद परमेसर की  
ओलाद को काई भी  
कोन्अ बगाड़ सक्यो!  
सपना मं चैतावणी  
मलताई, यूसुफ मरियम  
अर ईशु की रुखाळी बेई  
मिसर चलग्यो।





जद्या हेरोद मरग्यो  
तो यूसुफ, मरियम  
अर ईशु नअ मिसर  
सुं पाछो लियायो।



वो गलिल झिल की तिर प, नासरत  
नाऊ का एक छोटासाक शहर मं रेबा लागगो।



ईशु को जनम

बाइबल, परमेसर का बचना की कहाणी


मं पायो गियो

मत्ती 1-2, लुका 1-2


“ज्यो थांकी जन्दगी मं उजाळो देव्अ छ।”

भजन 119:130





36



60



बाइबल की या कहाणी आपानअ आपणा उं अदभुत परमेसर का बारा  
मं बताव्अ छ ज्यो आंपान्अ बणायो छ अर वो चाव्अ छ क थे उन्अ जाणो।

परमेसर जाण्अ छ क आपां अस्यानका काम करया छा ज्यान्अ वो पाप मान्अ छ।  
अर पाप की सज्या मौत छ पण परमेसर थांसु अतरो परेम करअ छ क वो खुद का  
एकलोता छोरा ईशु न्अ ई दनिया मं खण्दायो क वो सूळी (क्रोस) प चढ़र थांका  
पापा की सज्या पाव्अ। ईशु मरया पाछ्अ फेरू जीवतो होग्यो अर सरग मं खुद क  
घरां चलग्यो। अर ज्यो थे ईशु मं बस्वास करो अर ऊसुं खुद का पाप की छमा मांग्अ  
तो वो थांकी परातना सुण्अलो। वो अबार आर थाक्अ म्अईन्अ  
बस्अलो अर थे सदाई उंकी लार बण्या रेव्अला।

अर ज्यो थांम्अ बस्वास छ क यो सब साँच छ तो परमेसर न्अ ख्यो: प्यारा ईशु,  
मन्अ बस्वास छ क तू ही परमेसर छ अर मनख का रूप म्अ आयो छो क म्हारा  
पाप की बजे सुं मोत की सज्या बगत सक्अ अर अब तु फेरू जीवतो होयो छ।  
करपा कर म्हारी जन्दगी मं आर म्हारा पाप छमा करो, क मन्अ एक नुई जन्दगी  
मल्अ अर एक दन सदा हमेश बेई मं थारी लार हो जाऊ। ओ ईशु, म्हारी सायता  
कर जिसुं म थारी हरेक आज्ञा न्अ मान सकूं अर थारी औलाद की न्याऊ  
थारअ बेई जी सकूं। आमीन।

बाइबल पढ़ो अर रोजीना परमेसर सुं बात करो! यूहन्ना 3:16

